

**MIŠLJENJE**

**Po zahtjevu privrednog subjekta TROPIC d.o.o. Banja Luka, Bosna i Hercegovina o obavezi  
podnošenja prijave koncentracije**

**Sarajevo,  
april, 2013. godine**

Broj: 01-26-7-04-1-I/13  
Sarajevo, 29.4.2013. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na Zahtjev za davanje mišljenja privrednog subjekta TROPIC izgradnja i upravljanje nekretninama, usluge, d.o.o. Banja Luka, Ivana Gorana Kovačića bb, 78000 Banja Luka, zaprimljenog od Konkurencijskog vijeća pod brojem: 01-26-7-04-I/13 dana 13.3.2013. godine Konkurencijsko vijeće na 59. (pedesetdevetoj) sjednici održanoj 29.4.2013. godine, daje

### MIŠLJENJE

Privredni subjekt TROPIC izgradnja i upravljanje nekretninama, usluge, d.o.o. Banja Luka, Ivana Gorana Kovačića bb, 78000 Banja Luka (u daljem tekstu: TROPIC ili Podnosilac zahtjeva), podnio je Konkurencijskom vijeću dana 13.3.2013. godine pod brojem: 01-26-7-04-I/13, Zahtjev za davanje mišljenja o obavezi podnošenja prijave koncentraciju (u daljem tekstu: Zahtjev), u vezi postojanja obaveze podnošenja prijave koncentracije koja će nastati kupovinom većinskog udjela u privrednom subjektu MOJ MARKET društvo za trgovinu i usluge d.o.o. Banja Luka, Mladena Stojanovića 3, 78000 Banja Luka (u daljem tekstu: MOJ MARKET).

Privredni subjekt TROPIC je osnovan 13.07.1990. godine i upisan u registar Okružnog privrednog suda u Banjoj Luci pod brojem: <sup>1</sup>(\*\*), u vlasništvu fizičkih lica gospodina (\*\*) sa vlasničkim udjelom od (\*\*) % (nominalna vrijednost (\*\*) KM) i gospođe (\*\*) sa vlasničkim udjelom od (\*\*) % (nominalna vrijednost (\*\*) KM). Od osnivanja pa sve do 2007. godine TROPIC se primarno bavio trgovinom na malo prvenstveno prehrambenim proizvodima. U septembru 2007. godine privredni subjekt TROPIC je prodao svoju djelatnost trgovine na malo privrednom subjektu DELTA MAXI d.o.o. Beograd, Republika Srbija o čemu je odlučivalo i Konkurencijsko vijeće Bosne i Hercegovine.

U okviru grupacije TROPIC djeluju i povezana društva:

- TROPIC RIBARSTVO d.o.o. Banja Luka, uzgoj i prerada ribe, učešće u kapitalu (\*\*) %;
- TROPIC NEKRETNINE d.o.o. Banja Luka, izgradnja i prodaja nekretnina, učešće u kapitalu (\*\*) %;
- A.X. TROPIC d.o.o. Banja Luka, trgovina na malo neprehrambenim proizvodima, učešće u kapitalu (\*\*) %;
- TROPIC INTERNATIONAL d.o.o. Banja Luka, trgovina na veliko hemijskom proizvodima, učešće u kapitalu (\*\*) %;
- TEMPO GRADNJA d.o.o. Banja Luka, izgradnja, učešće u kapitalu (\*\*) %.

Podnosilac zahtjeva navodi da ima namjeru da kupi većinski udio u privrednom subjektu MOJ MARKET koji je upisan u sudski registar Okružnog privrednog suda u Banjoj Luci pod brojem: (\*\*). Kako se navodi u Prijavi, privredni subjekt MOJ MARKET je prvobitno osnovan pod nazivom 13 MM d.o.o. Banja Luka, u mjesecu maju 2012. godine, koji je nastao izdvajanjem trgovine na malo dominantno prehrambenim proizvodima, iz privrednog subjekta 078 COMMERCE d.o.o. Banja Luka sa udjelom od (\*\*) % i fizičkog lica gospodina (\*\*) sa (\*\*) % vlasničkog udjela. Gospodin (\*\*) je također i vlasnik privrednog subjekta 078 COMMERCE d.o.o. Banja Luka sa (\*\*) % vlasničkog udjela.

---

<sup>1</sup> (\*\*)- Podaci predstavljaju poslovnu tajnu

U prilogama Zahtjeva dostavljeni su finansijski izvještaji o navedenim privrednim subjektima koje je Konkurencijsko vijeće uzelo u obzir i konstatovalo slijedeće:

- Ukupan godišnji prihod privrednog subjekta TROPIC (zajedno sa povezanim društvima) za 2012. godinu je iznosio <sup>2</sup>(\*\*) KM;
- Privredni subjekt MOJ MARKET nije imao prihoda u 2012. godini dok je ukupan godišnji prihod privrednog subjekta 078 COMMERCE d.o.o. Banja Luka za 2012. godinu iznosio (\*\*)  
KM.

Članom 14. stav (1) Zakona o konkurenciji propisano je da su učesnici koncentracije namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihov zajednički tržišni udio veći od 40%.

Član 14. stav (3) istog Zakona propisuje da u slučaju kada se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda obračunavat će se samo prihod onih dijelova privrednog subjekta koji su predmet kontrole koncentracije.

S tim u vezi, Konkurencijsko vijeće je konstatovalo da, prema dostavljenim podacima, privredni subjekti ne ispunjavaju uslove iz člana 14. Zakona u pogledu prihoda. Međutim, obzirom da podaci o ukupnom tržišnom učešću nisu dostavljeni te da Konkurencijsko vijeće tržišne udjele može utvrditi samo u postupku ocjene koncentracije, ne može se dati eksplicitno mišljenje o postojanju odnosno nepostojanju obaveze podnošenja Prijave koncentracije.

**Predsjednica**

**Gordana Živković**

**Dostavljeno:**

- **Podnosiocu zahtjeva**
- **arhivu Konkurencijskog vijeća**

---

<sup>2</sup> (\*\*)- Podaci predstavljaju poslovnu tajnu